



REPUBLIKA E SHQIPËRISË
KOMISIONI QENDROR I ZGJEDHJEVE

Komisioneri Shtetëror i Zgjedhjeve

Data: 28 Gusht 2023

Nr: 742

Ora: 12:00

V E N D I M

P Ë R

SHQYRTIMIN ADMINISTRATIV TË DENONCIMIT NR. 429 ID NGA QENDRA “QËNDRESA QYTETARE”, NDAJ Z. EDISON ZANAJ, ADMINISTRATOR I NJËSISË ADMINISTRATIVE NR. 7, TIRANË, PËR SHKELJE ADMINISTRATIVE, NË ZGJEDHJET PËR ORGANET E QEVERISJES VENDORE TË DATËS 14 MAJ 2023

Sot më datë 28 Gusht 2023, unë Komisioneri Shtetëror i Zgjedhjeve mora në shqyrtim çështjet administrative me:

KËRKUES: Qendra “Qëndresa Qytetare”

SUBJEKT: Z. Edison Zanaj, Administrator i Njesisë Administrative nr. 7, Tiranë

OBJEKT: Shqyrtimi administrativ ndaj personit përgjegjës për shkelje administrative, për postime në faqen e rrjetit social “Facebook”

BAZA LIGJORE: Në mbështetje të nenit 19, pika 1, shkronjat “dh”, “f” dhe “n”, pika 2, neneve 91, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, vendimit nr. 9, datë 9.3.2021 dhe vendimit nr. 9, datë 24.12.2020, të Komisionit Rregullator

Në përfundim të këtij shqyrtimi,

K O N S T A T O J :

Nga Qendra “Qëndresa Qytetare” është depozituar denoncimi për të cilën denoncuesi pretendon se institucione publike kanë publikuar postime apo kanë ripostuar publikime me përmbajtje elektorale në faqet zyrtare të tyre, të cilat përbëjnë përdorim të burimeve publike.

Subjekti i denoncuar është Administratori i Njesisë Administrative nr. 7, Tiranë.

Denoncimi është marrë nëpërmjet provave link dhe materialeve fotografike, të administruara nga Komisioni Qendror i Zgjedhjeve dhe depozituar nga Qendra “Qëndresa Qytetare”.

Data: 28 Gusht 2023

Nr: 742

Ora: 12:00



“Për shqyrtimin administrativ të denoncimeve nr. 429 ID, për shkelje administrative”

Denoncuesi ka paraqitur pretendimet si më poshtë vijon:

Denoncimi regjistruar me nr. 429 ID, ndaj Njesisë administrative nr. 7, Tiranë, me kërkues Qendra “Qëndresa Qyetetare”, ku pretendohet si më poshtë vijon:

“Në data të ndryshme, në faqen zyrtare të Njesisë Administrative Nr.7 janë postuar në rrjetin social Facebook, pastime me përmbajtje qartësisht elektorale të kandidatit Erion Veliaj dhe subjektit zgjedhor “Partia Socialiste e Shqipërisë”. Në këto pastime, vihet re përdorimi i sloganeve të Partisë Socialiste të Shqipërisë, thirrje për mbështetjen e Erion Veliajt, si dhe shpërndarje të aktivitetit politik të këtij të fundit.”

Neni 19, pika 1, shkronja “dh”, “f” dhe “n” e pika 2, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar përcakton kompetencat që ushtron Komisioneri Shtetëror i Zgjedhjeve.

Mbështetur në përcaktimet e nenit 8, pika 3, të vendimit nr. 9, datë 9.3.2021, të Komisionit Rregullator, u shqyrtuan paraprakisht çështjet dhe u vlerësuan se informacioni apo të dhënat e treguara krijojnë një bazë të mjaftueshme për t’u nisur hetimi administrativ.

Referuar nenit 7, të ligjit nr. 10279, datë 20.05.2010, “Për kundravajtjet administrative”, kompetenca për konstatimin e kundërvajtjes, me përjashtim të rasteve kur ligji parashikon ndryshe, i takon organit administrativ, përgjegjës për zbatimin e ligjit të posaçëm, titullarit të organit administrativ, që merret me zbatimin e ligjit, në rastet kur ligji nuk shprehet për kompetencën për shqyrtimin e kundërvajtjes dhe nxjerrjen e vendimit përkatës.

Në vijim të procedurës administrative, filloi shqyrtimi administrativ, duke verifikuar provat si dhe duke kërkuar informacion në lidhje me publikimet e postuara me përmbajtje elektorale dhe slogane elektorale.

Në vijim të hetimit administrativ, nëpërmjet postës elektronike, më datë 16.5.2023, personit përgjegjës për raportimin e veprimtarive publike i është kërkuar informacion në lidhje më çështjen objekt shqyrtimi. Nga struktura përgjegjëse pranë Komisionit Qendror të Zgjedhjeve nuk u administrua asnjë përgjigje nga personi përgjegjës për raportimin e veprimtarive publike në Njësine Administrative nr. 7, Tiranë.

Për shkak të kompleksitetit të çështjes, Komisioneri Shtetëror i Zgjedhjeve, nëpërmjet vendimit nr. 691, datë 12.07.2023 “Për zgjatjen e afatit të denoncimeve regjistruar me nr. 417 ID, 421 ID, 429 ID dhe 431 ID, për shkelje administrative për zgjedhjet për organet e qeverisjes vendore të datës 14 Maj 2023”, ka vendosur zgjatjen e afatit të shqyrtimit administrativ të denoncimit regjistruar me nr. 429 ID.

Në vijim të shqyrtimit administrativ, pas konsultimit me të gjitha provave dhe fakteve, më datë 27 Korrik 2023, nëpërmjet postës elektronike, palëve në këtë proces i është kërkuar paraqitja e pretendimeve përfundimtare përpara se të vijohet me vendimmarrje.

Personi përgjegjës për raportimin e veprimtarive publike, në përgjigjë të kërkesës sonë për paraqitjen e pretendimeve përfundimtare, ndër të tjera bën me dije se: *“Ju informoj se janë marrë masa urgjente për fshirjen e postimeve të sipërcituar menjëherë sapo është konstatuar si gabim nga ana e përdoruesit të faqes së Njesisë Administrative nr. 7. Ka qenë një ngatërresë nga ana e përdoruesit ripostimet me hashtag # dhe janë postuar gabimisht në Faqen zyrtare të Njesisë Administrative nr. 7. Postime të tilla nuk kanë qenë kurrë më parë pjesë e Faqes Zyrtare dhe lutemi të merret parasysh ky fakt”.*

Në fazën e përfundimit të hetimit administrativ pas administrimit të përgjigjeve me lëndë “Kërkese për informacion” dhe pas verifikimit të faqes së rrjetit social “Facebook”, nën emrin Njësia Administrative nr. 7, Tiranë, u konstatua se postimet me përmbajtje elektorale, objekt shqyrtimi janë fshirë.

Për sa më sipër, të ndodhur në kushtet ku referuar provave dhe fakteve mbi denoncimin nuk gjendemi para shkeljes administrative të legjislacionit në fuqi, vlerësoj se duhet të pushohet shqyrtimi administrativ ndaj Administratorit të Njesisë Administrative nr. 7, Tiranë.

PËR KËTO ARSYE:

Bazuar në nenin 19, pika 1, shkronjat “dh”, “f” dhe “n”, pika 2, nenet 91, të ligjit nr. 10019, datë 29.12.2008, “Kodi Zgjedhor i Republikës së Shqipërisë”, të ndryshuar, vendimit nr. 9, datë 9.3.2021 dhe vendimit nr. 9, datë 24.12.2020, të Komisionit Rregullator

V E N D O S:

1. Pushimin e shqyrtimit administrativ ndaj z. Edison Zanaj, Administrator i Njesisë Administrative nr. 7, Tiranë.
2. Rezultatet e këtij vendimi i njoftohen palëve nëpërmjet postës elektronike.
3. Ky vendim hyn në fuqi menjëherë dhe publikohet në faqen elektronike zyrtare të Komisionit Qendror të Zgjedhjeve.
4. Kundër këtij vendimi mund të bëhet ankim në Komisionin e Ankimimeve dhe Sanksioneve brenda 30 (tridhjetë) ditëve nga shpallja e tij.

Komisioneri Shtetëror i Zgjedhjeve

Ilirjan CELIBASHI